

Sra. Canisia Scharbaay-Figaroa a ricibí Premio Promocional Sta. Anna 2000

NOORD - Bon Dia Aruba a informá pueblo Diabierna último cu Sra. Canisia Scharbaay-Figaroa a wordoselectá pa ta recipiente di e Premio Promocional Santa Anna 2000 pa su trabaonan social na beneficio di e barrio di Noord.

Entrega oficial di e premio a tuma lugar Diasabra mainta na scol básico Sta. Anna na Noord

durante e parti protocolario di e ceremonia pa celebrá Dia di Himno y Bandera.

Sra. Scharbaay-Figaroa, compañá pa su jiuana y nieta a ricibí e premio for di man di Minister di Salud Público, Dr. Ike Posner den representacion di Gobierno.

Comision encargá cu Premio Promocional Sta. Anna a describí

Sra. Canisia como un persona ehemplar y tambe un persona cu por dependé riba dje.

El a ser elegí pa ricibí e premio aki pa su trayectoria y trabaonan riba terreno social, cultural y humanitario. Principalmente dordita un individuo cu a inspirá tanto hoben y adulto den nos comunidad, particularmente den distrito di Noord dor di su caracter firme y franco.

Despues cu Minister Dr. Posner a hiba palabra di elogio den direccion di Sra. Scharbaay y a entregá den su man e premio oficialmente, Sra. Canisia a tuma palabra di un manera emotivo, pero directo y fuerte manera e ta semper.

Tambe el a ricibí bunita arreglonan di flor for di man di un grupo di mucha di e scol pa kende Sra. Canisia ta un persona grandi y stimá.

Sigur por bisa cu pueblo di Noord ta sintié hopi orguyoso di por ta bisiña y cas di un gran dama manera Sra. Canisia ta y ta hopi feliz tambe cu su bida y trayectoria ta wordo aprecia cu e Premio Promocional Sta. Anna 2000. Tur hende ta deseá Sra. Canisia hopi salud y prosperidad pa e por sigui manera te awor contribuyendo cu su país.

